

Na osnovu provedenog postupka direktonog sporazuma shodno članu 90. Zakona o javnim nabavkama („Sl. glasnik BiH“, broj 39/14) i članu 8. tačka b) Pravilnika o postupku direktnog sporazuma broj: 27-2U.O./15 od 29.01.2015. godine, a u skladu sa odredbama Zakona o obligacijskim odnosima („Službeni list R BiH“, br. 2/92, 13/93 i „Službene novine Federacije BiH“ br. 13/94 i 42/11), dana 25.12.2018. godine u Sarajevu, z a k l j u č u j e s e

U G O V O R

o nabavci ljetnih službenih uniformi, HTZ opreme i ostale zaštitne opreme

I z m e đ u

- 1. KANTONALNE JAVNE USTANOVE ZA ZAŠTIĆENA PRIRODNA PODRUČJA**, sa sjedištem u ulici Branilaca Sarajeva 28, 71 000 Sarajevo, Identifikacioni broj 4201424050008, PDV broj 201424050008, a koju zastupa i predstavlja direktor mr. sci. Osman Delić, kao Kupac sa jedne strane i
- 2. USLUŽNOST d.o.o. Sarajevo** sa sjedištem u ulici Branilaca Sarajeva 39, 71 000 Sarajevo, Identifikacioni broj 4200043550008, PDV broj 200043550008, račun broj 1610000007000016 otvoren kod RAIFFEISEN Bank d.d, a kojeg zastupa i predstavlja direktor Almir Imamović, kao Prodavac sa druge strane.

I - PREDMET UGOVORA

Član 1.

Predmet ovog ugovora je nabavka ljetnih uniformi i to za nadzornike prirode i domare Kantonalne javne ustanove za zaštićena prirodna područja, koja se sastoji od: jaknih vijetnamki sa uloškom, prsluka, pantalona, i džokej kapa a sve prema opisu koji je dat u specifikaciji robe koja je sastavni dio ponude broj 364/18 od 12.12.2018. godine

II – CIJENA

Član 2.

Ukupna cijena za nabavljenu i isporučenu robu iz člana 1. Ugovora sa izradom, isporukom i reklamacijom, utvrđuje se u nepromjenjivom fiksnom iznosu od 5.880,42 KM (slovima: pethiljadaosamstotinaosamdeset KM i 42/100) sa uračunatim PDV-om.

III - MJESTO ISPORUKE ROBE

Član 3.

Mjesto isporuke robe koja je predmet ovog ugovora je direkcija Kupca-ulica Branilaca Sarajeva 28, 71 000 Sarajevo.

IV- OBAVEZE UGOVORNIH STRANA

Član 4.

Kupac se obavezuje da će:

- Prodavcu izvršiti plaćenje robe nakon ispostavljanja računa/fakture/.
- plaćanje robe iz člana 1. Ugovora, na račun Prodavca broj: 1610000007000016 otvoren kod RAIFFEISEN Bank d.d,
- obezbijediti uzimanje mjera za izradu zimskih uniformi.

Član 5.

Prodavac se obavezuje da će:

- Izvršiti izradu službenih ljetnih uniformi koje su opisane u zahtjevu za dostavljanje prijedloga cijene i to prema mjerama koje su prethodno uzete u službenim prostorijama Kupca;
- Izvršiti izradu amblema (znakova) Kantona Sarajevo i Ustanove, te njihovo ušivanje na odjevne predmete zimskih uniformi i
- Omogućiti pravo reklamacije za odjevne predmete u roku od 7 (sedam) dana od dana dostavljanja.

Član 6.

Ukoliko se nakon prijema robe uoči nedostatak koji nije mogao biti uočen uobičajnim pregledom prilikom preuzimanja robe, Kupac je obavezan o istom, bez odlaganja obavijestiti Prodavca, a najkasnije u roku od 3 (tri) dana od dana kada je uočio nedostatak.

U slučaju koji je opisan u stavu 1. ovog člana, Prodavac je obavezan uočene nedostatke otkloniti, odnosno reklamiranu robu zamjeniti drugom u roku od 7 (sedam) dana od trenutka iskazanog nedostatka od strane Kupca.

V- PERIOD TRAJANJA UGOVORA

Član 7.

Ugovor stupa na snagu danom potpisivanja ugovornih strana, a trajat će do ispunjenja ugovorenih prava i obaveza.

VI - OSTALE ODREDBE

Član 8.

Prodavac u svrhu izvršenja zaključenog ugovora nema pravo zaposliti lica koja su učestvovala u pripremi tenderske dokumentacije ili su bila u svojstvu člana ili stručnog lica kojeg je Komisija za nabavke angažovala, najmanje 6 (šest) mjeseci po zaključivanju ugovora, odnosno od početka realizacije ugovora.

Član 9.

Na druge uslove koji nisu regulisani ovim ugovorom, primjenjivat će se odredbe Zakona o obligacijskim odnosima.

Član 10.

Ugovorne strane su saglasne da eventualne sporove po ovom ugovoru rješavaju sporazumno, a ukoliko to nije moguće nadležan je sud u Sarajevu.

Član 11.

Sastavni dio Ugovora čine:

- ponuda ponuđača sa specifikacijom robe i
- odluka o izboru najpovoljnijeg ponuđača.

Član 12.

Ovaj ugovor je sastavljen u 4 (četiri) istovjetna primjerka, od kojih svaka od ugovornih strana zadržava po 2 (dva) primjerka.

PRODAVAC
USLUŽNOST d.o.o. Sarajevo

Direktor

Almir Imamović, dipl. ecc.



KUPAC
KANTONALNA JAVNA USTANOVA
ZA ZAŠTIĆENA PRIRODNA PODRUČJA

Direktor

mr. sci. Osman Delić



Broj: _____
U Sarajevu, 25.12.2018. godine

Broj: 07-2-265-9/18
U Sarajevu, 25.12.2018. godina